

Gvangjsih Minzcuz Bau

ganhhau: CN45-0036 B.2013 Nd.6 Ng.12 liggaeuq gveiqceih nienz ndwenngux co'ngux

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3077期

Dwzbauj Yen Roengzrengz Gaijndei Dieg Saujsu Minzcuz Yienghsienq Ndawsingz Lajmbanj

德保县全面推进少数民族地区城乡风貌改造工作

Bineix, Dwzbauj Yen comz minzcuz, fazgaij, caizcwng, gozduj, gensez, nungzyez, suiqli, fuzbinz, linzyez daengj bumwnz swyenz, gyoeb rengz comz roengz cien-ngaenz, doengzcae doihauj hong gaijguh yienghsienq lajmbanj. Dajsuenq gaij gij yienghsienq Cwngzgvanh Cin Yinzdih Cunh Mbanjwzgyau, Nazgyaz Yangh Maj-

dau Cunh Mbanjanhdoh, Nazgyaz Yangh Sang'yangh Cunh Mbanj-sang'yangh, Cuzyungz Cin Laujboh Cunh Mbanjlaujdunz, Gingdwz Cin Yajlij Cunh Mbanjwzbu daengj 5 aen cunhmbanj, gijneix gvendaengz 377 ranz vunz, miz 1250 bous saujsu minzcuz souh'ik; cundengj gaijguh yienghsienq henz-cienq, bu roensuijniz, hawj ndaw

mbanj bienq loeg bienq rongh, cunghab ceihleix vanzging caeuq unglab daegsaek canjyez daengj.

Doenggvaq gaijguh, hawj 5 aen mbanj neix ndaej cunghab ceihleix, gihcuiz sezsih engq caezcienq, gij diuzgen diegyouq saujsu minzcuz cug mbaek ndaej gaijndei.

(Nungz Yungifang)



Dungcuz Gofoux Haenh Mbanj Seuq

侗歌健舞颂清洁

6 nyied 6 hauh, Sanhgyangh Dungcuz Swciyen Meizlinz Yangh gawjbanh "Meizlinz gyaue lajmbanj seuq" Dungcuz Dagoh, fouxvangicangz doxdax, ndaw yangh 15 aen daiyaujdui comz daeuj camgya. Gaenh duenh seizgan, aen yienh neix okmoq hong senhconz, aeu gij vwnzva minzcuz lumj Dunggoh, Dunggvanj, Heiqdungcuz, Dohyeh daengj gij vwnzva hingzsih gig miz daegsaek haenx senhconz aen cawjdaez hengzdoengh hwnjdaej hawj lajmbanj seuq, roengz cienq rengz heuh vunzlai doengzcae camgya. Ndaw doz dwg Dunggoh yienjciengq yienhcieingz.

(Gungh Bujangh ingj)

Denhdwngj: Daegsaek Canjyez Hawj Ginzeung Saujsu Minzcuz Baenzfouq

天等:特色产业让少数民族群众致富

Gaenh bi daeuj, Denhdwngj Yen Ningzgan Yangh hopheux swyenz maenhndei roengzrengz, baengh "daegsaek" fazcanj canjyez, sien bauj ndei ndaem haeux, caiq fazcanj daegsaek canjyez. Bi'gvaq, daengx yangh nungzminz moix bous cingh souhaej 4857 maenz, doengzbeij demhwnj 17.3%.

Aen yangh neix dajcaux daegsaek dajndaem dajciengx gihdi, aen gihdi neix comz dajciengx duzgoep, nungzyez ngonzyawj guh-

doih. Aeu aen mozi "gunghsw + gihdi + nungzhoh" bangfuz canjyez dajciengx duzgoep. Dangqanaj gaenq laebbaenz dieg dajciengx 4 giz, dajndaem menciz daj 30 moux demgya daengz 80 moux, baenz gih raeuz dieg dajciengx duzgoep ceiq hung haenx, canjci 455 fanh maenz. Aen yangh neix laebbaenz "Ningzgan Yangh Manhdaengjmbwn Hozcozse", youq Lizmingz Cunh Mbanjyilungz nem Mbanjden'gvangh laebbaenz gizdieg baenz rangh daj-

ndaem manhdaengjmbwn haenx 500 moux, aeu aen mozi "gunghsw + gihdi + nungzhoh" guh baenz gveihmozva dajndaem. Bi'gvaq, daengx yangh lwgmanh canjlieng 10 fanh goenggaen, canjci 56 fanh maenz. Linghvaih aen yangh neix dajndaem yiengzbya daegsaek 700 lai duz, ciengx roeggap 3000 lai doiq, daengx yangh gihbwnj laebbaenz "mbanj miz yiengh he" daegsaek dajndaem dajciengx gwzgi.

(Fungz Sinhgi Vangz Lilanz)

SIUSIK DINJ

简讯

● 5 nyied 31 hauh daengz 6 nyied 2 hauh, Lungzcwng Gak Cuz Swciyen Lungzciz Nazmbaeklae Gingjih ndaw Mbanjbingzanb Bouxcuengh gawjbanh baijok doz-veh funghcingz Lungzciz hilez hozdung, dangdieg ginzcong Boux-cuengh youq ndaw nazmbaeklae guh soengq haq funghcingz byaijok hozdung caeuq cae reihnaz daengj conzdung hong reihnaz hozdung, yiengq hekyouz baijok minzsuz funghcingz.

(Vuz Haijvaz)

● 5 nyied 29 hauh, Cungzcoj Si daengx si minzcuz hidungj yezvu gunghcoz beizyinvei ciuhai, youq gwnz hoih, Denhdwngj Yen Minzcuzgiz ndaej bingzguh "2012 nienzdox daengx si minzcuz hidungj cunghab muzbyauh gaujbingz youhsiu danhvei". Neix dwg Denhdwngj Yen Minzcuzgiz laebdaeb haj bi bingz ndaej maenhndei.

(Luz Linzhuj Vangz Souciz)

● Vih baengh "roek it" ciet-lwngyiez youq ndaw siujyoz hagdganz guh minzcuz cwngcwz faplwd fazgveih senhconz gyauyuz hozdung. Denzlinz Yen Minzcuzgiz ok 3000 maenz cihciz Denzlinz Yen Minzcuz Siujyoz gaihcanj angqhoh "roek it" nem minzcuz cwngcwz faplwd fazgveih cihsiz senhconz gyauyuz hozdung, aeundaaj yaugoj ndei.

(Banh Sauginh)

● Daj bineix daeuj, Bingzgoj Yen laebdaeb gujli nem bangfuz nungzhoh fazcanj laj faex ciengx gaeq, gak yangh(cin) mboujduenh ok lohnaemj moq, banhfap moq, mizyauq doihauj hong laj faex ciengx gaeq. Ciuq gyoepsuenq, daengz 3 nyied daej, daengx yienh gungh fazcanj gveihmoz laj faex ginghci 230 hoh, gaenq okroengq 808.82 fanh duz, gungh laeb laj faex ciengx gaeq sifan gihdi 21 aen.

(Vangz Cinhhohz)

● Dangqanaj, Majsanh Yen bouscoz gij daigvanj haemq noix cangyez danhbauj boujdiep leihsik haenx nangq daengz 289 aen hanghmoeg, bangcoengh 595 bouscoz cangyez, daiqdoengh 5863 vunz ciuuez cangyez, aeundaaj ginghci yauyiz nem sevei yauyiz ndei.

(Dwng Yi)